

浙沪禦侮記



御覽
雜記

初
璩堪署檢

淞滬衝突後記序

淞滬衝突後記口卷吾友費君敬仲撰民國二十二年
二月十九路軍及第五軍抗日之戰潮原紀實
所繇作也夫以吾國內亂頻年蓋以匪亂饑疫
水患胡忍言兵雖然自衛者人權神聖戰爭也
甲午以還日挾其戰勝之威陵蔑我國往歲突
侵遼瀋邊軍棄地如遺以入吾人之境莫余
毒吾國人汗且喘走打告華、學子諸願示威
相隨屬中樞久無和戰大計而天下自是如
寇矣敵騎日張而靡忌遂有去月續攻淞滬

之舉先是敵以四事要我市所請於中樞
正屈承矣而敵兵顧莫或稍戰多師赫然
奮起自衛戰之與蓋弥月云如挫敵歐
美咸相驚神武敵軍增援至十萬許不
能攫我孤塞之一隅而巨艦飛機坦克鐵
甲諸車以詔策新精利器械者我唯以血
肉搏之殺敵且以萬計敵不獲逞而頻以講
誘我冀沮義師當是時國人隕身毀家
曾莫之恤而唯皇以轉饟備物扶傷裹
創是謀覘國者肅焉知吾民之未易輕

而吾軍之長雄於世無難也精誠所出物
質為靈卅年積恥一朝而雪此其悲壯美
烈之績宜有人為之大書特記思以告天
下視萬世衷忠立懦聳令羣倫歌泣而為
之紙回感歎弗釋者則茲編之輯亦春秋
檮杌意也抑聞古之史在官今之史在民出
於夷狄侵誅夏而我有捐軀衛國禦菑捍
患之賢出於其間而吾民亦若視為死生
患難之友休戚共之則古史之所闕然而今
世之文明智勇秉筆書之足以俟方來而為

軫者雖往籍所傳張班傳甘宗岳陳耳
之倫未或後之而軍民同境之麻乃獨卓越
於今紀斯六史家之寵榮庶幾當世問而
興起歟而奈何遽以乏援班師傳也悲夫
楊庶堪叙于上海

國 社

族 此

仔 亡

一 筆

強 邦

鐵

血

春

秋

熊克武

為挽國命以犧
牲爭人格而流血

柏文蔚

明
恥
教
戰

但懋辛題

自敘

著者少壯贊戎幕。所與共事者。半學成日本士官學校者也。盛道彼國治軍之專精。士氣之奮發。及夫日俄戰爭中之武功。聞而憤且媿。歎吾國之泄沓弗振也。嗣游遼瀋三韓。目擊其軍容整齊。訓練精勤。而又熟知彼謀我之亟。用益悚然。以爲接此惡鄰。猶韓魏之于虎狼秦。吾終不得安枕矣。自入民國。內訌日烈。彼侵賊之計亦日毒。禍更迫眉睫。私所冀者。歐美諸強。或能牽制之耳。不圖歐戰終。向所稱強國者。半疲敝無力東顧。彼則以工商吸我鎡貨。財用益饒。軍備益裕。當民十三。滇中楊耿光君。自彼陸軍大學還。爲備言其軍學軍械軍實之精且充。與其圖我之詭謀密計。中懷愈慄。慮國亡之無日。又接其駐滬武官岡村賜甯。則詆輕我諸路軍帥。若程不識之不值一錢。難憤其驕。亦更引以內媿。自時厥後。而張雨亭吳興權戕于彼。濟南無端爲所據。暴戾橫行。若入無人境。

以爲夙所聞。與所懷懼。至是胥驗。吾行爲奴于倭矣。去年春井研但怒剛君游日旋。所言謀我之狀。不殊曩聞。而獨謂其外摹文明。內實匱乏。窮氓咨怨。士吏骹骹。不出五年。必革命。革命亦必成。彼軍閥妄圖我行自敝矣。聞而差慰。迨入夏萬寶山事作。彼侵略滿蒙策略昭然。著者在故都。接其人士。亦初不諱言。八月南來。嘗舉以告朋輩。尙多弗之信者。及九月十八而衅啓矣。南人頗致訾東北軍之怯。著者則以素知彼軍精強。恆爲張學良辨護。且深虞以抵抗而致大挫。唯私乞蒼昊。速彼內爭。籍紓我禍耳。嗣更北上。吳江沈賡梅君歸自黑龍江。謂馬占山實殺敵踰二千。又聞天津公安局長王君率保安隊。擊斃叛匪幾三千人。皆彼軍官所指揮者。而其參戰之浪人亦與焉。氣誰爲之少振。然猶以小勝未可終恃也。及一二八滬戰作。彼大小兵艦五十餘艘。自吳淞口外。以至於浦江。環布碁列。日發巨礮。飛機百餘架。翱翔空中。周回乎淞滬蘇昆之間。擲彈無虛時。其陸軍則繼續至者。踰五師團。衆七萬餘。而佐以海軍陸戰隊五千。

人浪人預戰事者又數千。所用利器則鐵甲車百餘輛。坦克車數十輛。重砲野戰砲數百尊。甚至用及達母斯毒彈。假蘇州河北公共租界爲根據地。昕夕攻我。至今遂彌月矣。我十九路軍初以孤軍應敵。而彌月陣綫如故。且曾衝鋒入彼防地。奪其砲械以歸。彼來攻者。明進或暗襲。莫不迎頭痛擊。令其披靡狼狽而逃。斃其士兵幾二萬。俘其軍官多人。獲其器械無算。時擊墜其橫行之飛機。彼凡三易帥。今更代以善戰之大將北川。西人之作壁上觀者。莫不盛誇我軍之沈毅果敢。著者至是始恍然知物質之不可恃。而精神之不可侮。驕恣者之終必敗。而悲憤者之終必伸也。向所抱之深畏大懼。輒豁然以祛。復證諸往者德俄之事。知彼恃強憑陵。賊人以逞者。其強徵之士。無告之氓。已礪鋒以飼之矣。於是排比曩聞。爲日禍溯原記。復據所聞見。排日以紀戰事。更附以論議。匪曰著書。蓋往疑吾軍之不足制敵。必不止著者一人。其弗處滬上者。傳聞異詞。或不盡悉戰況。是書出。庶幾畏者釋其疑。居異地者。若目擊焉。由是而引申我

同仇之志。堅結我拒敵之心。振興我勇敢之氣。則斯書或不無微補云。且敢推一己之思慮經歷。以告讀者。往時之持不抵抗主義者。容或有其苦心危慮。未可並加以苛責。居今日而猶持不抵抗主義者。是則別有肺腑。不得不視爲國人之叛徒。他族之奴隸矣。若夫假抵抗爲口號。而暗行其媚敵計劃者。則心尤可誅。我四萬萬弗甘爲奴之國民。其何以處之。民國二十一年國軍禦侮彌月紀念日。著者自敘。

凡例

一是書紀載此次淞滬戰事。自一二八起。至三二八止。爲第一集。仍繼續編纂第二集。以饗國人。

一所記戰況。或爲本社社友親赴戰地實地觀察之所得。或輯自海上各報之確訊。更取證於軍事當局所發正式之戰報。一取翔實。非翦取報紙草率成書者比。

一箸者於廿三年前居奉天。適日之伊藤博文。經奉赴哈。與俄締攘我蒙滿密約。當彼將至。其總領事小池張造。照會我國。預備共同歡迎。我允其請。於南滿俄路公所。盛設待之。乃彼忽派憲兵多人來。先將我國旗撤去。時任交涉使者。爲韓國鈞。再四申辨。彼置不理。伊藤既至。我督撫迓之。彼閉目踞坐。驕恣自矜。且謂關東之地。由日本取諸俄人。以讓歸中國。中國不能自治。日本

行將收回云云。其出言無狀若此。故當日卽深知彼族之蠻橫。遇其暴行。輒書諸日記。今日禍溯源記所載。特其大端。仍當另編日人暴行記發行。以堅我國人禦侮之志。

一 本社所收戰事影片。及有關於戰事之圖畫甚多。當於續集內陸續印登。

一 因國人同仇志切。爭欲先讀。故趕期出書。凡茲所記。罔一漏百。知所不免。若軍事當局。及目擊戰況。與身居戰區。或身受敵軍殘賊之同胞。凡有能正我差誤。廣我聞見之箸錄。切望從速賜寄。循以續編。勿任企禱。

一 前敵將士。効忠致果。殲身疆場。與夫義民俠士。因謀敵殉難者。本社當另編滬戰忠義錄。以楊國光。

一 東北當局。能速出師恢復失地。本社當另編關東驅寇記。沿海沿江各區。有能繼十九路軍而起者。本社亦當另爲編紀。以張忠勇。



第十路軍總指揮蔣光鼐